

ԳՈՀԱՐ ԻՍԿԱՆԴԱՐՅԱՆ

ԻՐԱՆԸ՝ ՊԱՐՄԻՑ ԾՈՑԻ ԱԶԴԵՑԻԿ ԳՈՐԾՈՆ
(1960-70-ԱԿԱՆ ԹԹ.)

Ներկայացվող խնդիրը դուրս չի մնացել արևելագետների, միջազգայնագետների և պատմաբանների տեսադաշտից, որի շուրջ աշխատանքներ են իրականացրել Ն.Հ.Հովհաննիսյանը, Ա.Զ.Ալաբաբյանը, Ա.Բ.Բաղդասարյանը, Դ.Դ.Ալիբեյլին, Ա.Ա.Ալիևը, Լ.Վ.Վալկովսկան և այլք: Սակայն առկա նոր նյութերի պարագայում համգում ենք նոր եզրակացությունների, որոնք ստորև կներկայացնենք:

1960-70-ական թվականներին շահական Իրանը, դառնալով տարածաշրջանում հզոր տերություն, իր ռազմական, տնտեսական, բնական հարստությունների և մարդկային խոշոր ռեսուրսների առկայությամբ, փորձում էր Մերձավոր և Միջին Արևելքի երկրների վրա տարածել իր ազդեցությունը, ինչպես նաև ստանձնել Պարսից ծոցում թելադրող պետության դերը: Դրան նպաստում էին մի շարք գործոններ. ամերիկյան լայնամասշտաբ աջակցությունը Իրանին, Իրանի՝ նավթի ազգայնացման շնորհիվ կուտակված ֆինանսական միջոցները, մարտունակ բանակը՝ զինված արդիական զենքով և զինամթերքով:

1960-70-ական թվականներին իրանա-ամերիկյան հարաբերությունները թևակոխել էին որակական նոր փուլ: Վաշինգտոնն այդ տարածաշրջանում վարում էր «երկու հեմարանների» քաղաքականություն՝ հենվելով Իրանի և Սաուդյան Արաբիայի վրա՝ մեծ հույսեր կապելով հատկապես շահական վարչակարգի հետ:

Ասուրյան Արաբիայի և Իրանի գաղափարական ու քաղաքական կողմնորոշումը դեպի Արևմուտք, ինչպես նաև լսյդ երկրների անտեսական փոխադարձ կապը համաշխարհային շուկայի և ԱՄՆ-ի տնտեսության հետ, դարձրեց նրանց ամերիկյան արտաքին քաղաքականության գլխավոր հեմարանը տարածաշրջանում¹:

Ինչպես բնորոշ է գերհզոր տերությանը, ԱՄՆ-ի վարչակազմն էլ հիշյալ տարածաշրջանում Իրանի զարգացմանը նպաստելիս ուներ իր սեփական շահերը: Նա ջանում էր հզորացնել Իրանը, որպեսզի կանխի Խորհրդային Միության հնարավոր ագրեսիան, ինչպես նաև փորձում էր

ապահովել իր տեղը իրանական նավթի ներմուծման գործում: Բացի այդ աջակցում էր Իլյանի որոշմանը, այն է՝ Սաուդյան Արաբիայի հետ միասին ապահովել Պարսից ծոցի անվտանգությունը և կայունությունը, պահպանում էր Իրանի հետ տնտեսական և առևտրական սերտ հարաբերություններ, նպաստում էր Իրանի քաղաքական կայունությանը, տնտեսական զարգացմանը և տարածաշրջանային համագործակցությանը Թուրքիայից մինչև Հնդկաստան²:

Իրավիճակը Մերձավոր և Միջին Արևելքում շիկացավ, երբ 1968թ. հունվարի 16-ին Անգլիայի վարչապետ Հարոլդ Վիլսոնը Համայնքների պալատում հայտարարեց, որ մինչև 1971թ. վերջը անգլիական ռազմական հենակետերը կտարհանվեն Հարավարևելյան Ասիայից և Պարսից ծոցի շրջանից³: Բնականաբար, առաջացած այդ վակուումը փորձեցին լրացնել ինչպես Իրանը, այնպես էլ Սաուդյան Արաբիան, որն իրեն իյեպ համարում էր Սեծ Բրիտանիայի «բնական ժառանգորդը»՝ հավակնություններ ունենալով իր ազդեցության տակ վերցնել Պարսից ծոցի իշխանությունները⁴: Մինչդեռ Մոհամմեդ Ռեզա շահն էլ իր հերթին հայտարարեց, որ Մերձավոր և Միջին Արևելքի խաղաղության պահպանման պատասխանատվությունն այսուհետ Իրանը վերցնում է իր վրա⁵: Ի դեպ, մնան հավակնություններ ուներ նաև Իրաքը:

Միացյալ Նահանգների երկու դաշնակիցների՝ Սաուդյան Արաբիայի և Իրանի միջև նկատվում էր լարված մրցակցություն, միջպետական հարաբերություններում լսուկա էին մի շարք խնդիրներ, սակայն զուտ առևտրաբերկու երկու կողմերն էլ ցուցադրում էին իրենց ջերմ հարաբերությունները:

Առաջին լարվածությունը նկատվեց Պարսից ծոցի մայրցամաքային ծանծաղուտի տարածքների բաժանման ժամանակ: Այդ խնդիրը առավել ցայտոմ երևաց 1940-50թթ., երբ գիտատեխնիկական առաջընթացի շնորհիվ, հնարավոր եղավ շահագործել նավթով հարուստ ծովի ընդերքը: 1963թ. ապրիլին Իրանի կառավարությունը որոշեց օտարերկրյա ընկերություններին տալ նավթային կոնցեսիա, Պարսից ծոցի շելֆի այն տարածքում, որի սահմանները Իրանն ինքնակամ համարում էր իրենք: 1963թ. մայիսի 1-ին Իրաքը, հունիսի 4-ին Քուվեյթը, հունիսի 15-ին Սաուդյան Արաբիան բողոքեցին ե Իրանից պահանջեցին վերանայել սրըշումը: Իրանը հայտնեց իր պատրաստակամությունը բանակցություններ վարել այդ հարցի շուրջ: Վերջնական համաձայնագիրը ստորագրվեց 1968թ. հոկտեմբերի 24-ին, որով կողմերը կարողացան համաձայնության գալ և ազդեցության գոտիները իրար մեջ բաժանել, ըստ որի, ճանաչվեց Իրանի ինքնիշխանությունը Ֆարս կղզու, իսկ Սաուդյան Արաբիայինը՝ Էլ-Արաբիա կղզու նկատմամբ: Նավթահանքերի գոտիները ևս հավասարապես բաժանվեցին⁶:

Երկրորդ միջադեպը կողմերի միջև գրանցվեց 1968թ.-ին, երբ Բահրեյ-նի շեյխը պաշտոնական այցով ժամանեց Սաուդյան Արաբիա, ինչին Ի-րանի ղեկավար մարմինները խիստ բացասաբար արձագանքեցին. չէ որ դեռևս 1957թ. Խակտեմբերի 10-ին Իրանի կառավարության որոշման համաձայն Բահրեյն կղզիախումբը հայտարարվել էր Իրանի 14-րդ օսթան (նահանգ): Այցելելով Էր-Ռիադ՝ շեյխն ակնկալում էր ստանալ Սաուդյան Արաբիայի աջակցությունը շահին ընդդիմանալու համար: Որպես քողարկ նշան Իրանի շահը հետաձգեց նախատեսված այցը Էր-Ռիադ, ինչը Ֆեյսալ թագավորը որակեց որպես «ուշ քարեկամական քայլ Սաուդյան Արաբիայի նկատմամբ»:

Սակայն ամերիկյան դիվանագիտությունը ճնշում գործադրեց և Իրանի, և՛ Սաուդյան Արաբիայի վրա՝ ձգտելով հարթել տարածայնությունները երկու երկրների միջև: Ուստի վերջիններիս աշխատելու չէր մնում, քան բարելավել հարաբերությունները ամխուսավելի համագործակցության համար: Իրանի շահի արտաքին քաղաքականության նպատակներից մեկն էր թույլ չտալ որ սասանվեն, էլ չենք ասում տապալվեն տարածաշրջանի միապետությունները⁸, մանավանդ որ ապրեն իրադրություն էր 1958թ. Իրաքի, 1962թ. Եմենի միապետությունների տապալումը⁹:

Իրանը տարածաշրջանում իրեն առավել վստահ զգաց հատկապես 1972թ., երբ ԱՄՆ-ի նախագահ Ռիչարդ Նիքսոնը խոստացավ շահին հնարավորություն ընձեռել զենե Սլոսցյալ Նահանգների արտադրության ցանկացած տեսակի ռազմական տեխնիկա: Դա համընկնում էր Մահամմեդ Ռեզա շահի նպատակներին, քանի որ վերջինս ցանկանում էր Իրանը դարձնել տարածաշրջանի ամենամարտունակ և հզոր բուժակ ունեցող երկրներից մեկը: Այդ մասին խոսել էր նաև Իրանի շահը Նյուսվիքին տված հարցազրույցի ժամանակ. որն արտատպել է Դեյիլիս Ինթերնեշնլ թերթը. «Իրանը ԱՄՆ-ից պատրաստվում է զենե 700 ուղղաթիռ՝ ուրից 220-ը ռազմական, ներառյալ «Չինուկոյ» և սուզանավերի դեմ պայքարող 18 «Սիկուրսիկ» տիպի ուղղաթիռ, 500 մին դավար ընդհանուր արժողությամբ»: Սյունդեռ շահը նշում էր, որ տարածաշրջանի մի շարք երկրներ այդ թվում Եգիպտոսը, Սիրիան և Իսրայելը գտնում են, որ իրենց անվտանգության պահպանման համար անհրաժեշտ են մոտավորապես 500 օդային միջոցներ: «Բացի Սլոսցյալ Նահանգներից ձեռք բերված ռազմական տեխնիկայի, շարունակում է շահը, Իրանը Անգլիայից գնում է «Չիֆթեն» տիպի 800 տանկ, 480 մին դավար ընդհանուր արժողությամբ, վերանորոգում և արդիականացնում ենք «M-47» տիպի 400 տանկ, որը ձեռք էինք բերել ԱՄՆ-ից, ինչպես նաև «M-60» տիպի 460 տանկ: Ընդհանուր առմամբ 1700 տանկ: Նավատորմը ևս կրկնապատկում ենք: Իրանը Սլոսցյալ Նահանգներից ստացել է նաև լազերի միջոցով կառավարվող «Սմարտ» տիպի ռումբ»¹⁰: 1975թ. Իրանը արտ-

ըստովում էր Միացյալ Նահանգներից գնել 8 հատ 1,200 Mwe (megawatt-electric) հզորությամբ ռեակտոր, համապատասխանաբար Ֆրանսիայից էլ ձեռք էր բերվելու 2 հատ 900 Mwe. Գերմանիայից 2 հատ 1,200 Mwe հզորությամբ ռեակտորներ¹¹: Իսկ 1977թ. շահը ԱՄՆ-ից գնեց շուրջ 6 միլիարդ դոլարի գնձը, և 12 միլիարդի էլ պատվիրել էր¹²: Ընդլիարապես Ռեգա շահի մյաւտակ ունել մինչև 1994թ. միջուկային ռեակտորներին հզորությունը հասցնել 23.000 Mwe¹³:

Ըստ Լքթելաաթի տվյալների, ԱՄՆ-ը շահի հետ գաղտնի համաձայնությամբ էր ձեռք բերել, լստ ոլի Իրանի տարածքում կառուցել էին 7 աւյուէլեկտրոնային լյտեսական կայաններ¹⁴:

Իրանի ռազմականացումն առավել ակնհայտ յարձնելու համար բերեմք 1973-1980թթ. Մերձավոր և Միջին Արևելքի երկրների ռազմական ծախսերի հաշվեկշիռը, ըստ ԽՍՀՄ-ի Անվտանգության մախարալութրան տվյալների¹⁵.

Երկիր	1973-1976		1977-80	
	մլյուդոլար	րնդիւսնոր գումարի մսսնաբւսժինը %	մլրդոլար	րնդիւսնոր գումարի մսսնաբւսժինը %
Իրւսն	29.1	44.0	28.0	27.6
Իրւսք	6.1	9.2	10.3	10.1
Սւսոդյւսն	19.8	29.9	41.1	40.5
Արւսբւս				
ճուլլքիւս	4.9	7.4	7.3	7.2

Ընականաբար, Խորիդրային Մյությունը բողոքեց իր հարավային սաւմանների մոտ մման բանակի ռազմական ուժի և, ուր ավելի կարևոր էր. ամերիկյան ռազմական մասնագետներին թվի աճի կապակցությամբ: Ի պատասխան Խորիդրային Մյության անդադար բողոքների, ԱՄՆ-ի մախսագահ Նիքսոնը ամերիկացիների ներկայությունը բացատրում էր նրանով. ուր ԱՄՆ-ը չի կարող անտեսել Խորիդրային ժամանակակից մավատորմի ներկայությունը Հնդկական օվկիանոսում, Միջերկրական ծովում և Աֆրիկայի ափերի մոտ: Ի պաշտպանություն ամերիկացիների՝ իրանական մամուլը մատնանշում էր, ուր Եգիպտոսում գործում էր ոռոս մասնագետների 15 հազարանոց մի խումբ, այն բանից հետո, երբ ԽՍՀՄ-ը Եգիպտոսին վաճառել էր զենք և զինամթերք: Այնպես ուր նրանք բնական են համալում օտարերկրյա ներկայացուցիչների առկայությունը երկրում, եթե այդ երկիրը գնել է ռազմամթերք մեկ այլ երկ-

րից¹⁶։ Ամերիկյան խորհրդականների կողմից կազմվել էր իրանական զորքին ամերիկյան զենքով զինելու ծրագիր. ներառյալ իրթյուններ և մարտական տեխնիկա, ինչպես նաև Իրանի տարածքում ռազմական օդանավակայան, վայրէջքի հրապարակ, նավահանգիստներ, նավակառան, ճանապարհներ. ռադիոյի և հեռախոսային կապի ցանց կառուցել։

Այսպիսով, կարգավորելով սեփական ռազմական ուժերը, ունենալով բավական ֆինանսական միջոցներ ի հաշիվ նսավթի¹⁷, այսուհետ Պարսից ծոցի հետ կապված հարցերը հայտնվեցին Իրանի քաղաքականության օրակարգում. որն առավել հայտնի է որպես Պարսից ծոցի նկատմամբ «ակտիվ կուրս» քաղաքականություն։ Այս քաղաքականությունը ռազմավարական նշանակություն ուներ Իրանի համար, քանի որ Պարսից ծոցով էր իրականացվում ինչպես իրանական ապրանքների առևտուրը, այնպես էլ նավթի և նավթամթերքի արտահանումը միջազգային շուկա։ Իրանը իր վրա էր վերցնում տարածաշրջանում յուրաքանչյուր խնդրի լուծման ղեկավարությունը, որի մասին դեռևս 1969 հուլիսին տպագրվեց Իրանի ԱԳՆ-ի հայտարարության մեջ, որտեղ նշվում էր. «Ոչ մի դեպքում չի կարելի հնարավորություն տալ մյուս երկրներին միջամտել Պարսից ծոցի գործերին, Իրանի կառավարությունը պատրաստ է համագործակցել Պարսից ծոցի բոլոր երկրների հետ՝ համուն տարածաշրջանի խաղաղության և անվտանգության պահպանման։ Բայց եթե Պարսից ծոցի մյուս երկրները չեն կարող մասնակցել համատեղ պաշտպանությանը, ապա Իրանն ի վիճակի է միայնակ իր վրա վերցնել այս տարածաշրջանի շահերի պաշտպանության գույծը»¹⁸։

Ուշադրության է արժանի Իրանի դիրքորոշումը Պարսից ծոցում առաջացած բազմաթիվ խնդիրների և դրանց լուծման եղանակների վերաբերյալ։

Կարևորելով Իրանի դերը տարածաշրջանում, դեռևս 1971թ. նոյեմբերի 29-ին Իրանի և Շարջայի կառավարությունները պաշտոնապես կնքեցին համաձայնագիր Աբու-Մուսու կղզին Իրանի ինքնավարության տակ թողնելու վերաբերյալ։ Օգտվելով այս համաձայնագրից, հաջալի օրը՝ նոյեմբերի 30-ին, Ռեզա շահի հրամանով իրանական զորքերը կայծակնային արագությամբ (6 ժամվա ընթացքում) տեղակայվեցին Աբու-Մուսայում, միևնույն ժամանակ զբաղեցրին նաև Մեծ և Փոքր Թումբերը¹⁹, որոնց նկատմամբ Իրանը միշտ էլ հավակնություններ է ունեցել։ Դրանով փաստորոշեց, Իրանը իր վերահսկողության տակ վերցրեց Հոլմուդի նեղուցը²⁰։

Իրանի կողմից՝ նշված կղզիների գրավումը ուժեղ հակազդեցություն առաջացրեց Արաբական աշխարհում։ Առաջացած հարցի կոսպակցությամբ առավել զուսպ մոտեցում ցուցաբերեց Սաուդյան Արաբիան։ Այս քաղաքականությունը մի կողմից ձեռնադրեց էր Իր-Ախալին, քանի որ Իրանն այդպիսով առավել ամրապնդում էր իր դիրքերը Պարսից ծոցում,

յուսկ մյուս կողմից. այս իրադարձություններին, որպես հակակշիռ, Սառույան Արաբիայի շուրջ համախմբվեցին արաբական փոքր պետությունները: Վերոհիշյալ կղզիների գրավման հետևանքով խզվեցին դիվանագիտական հարաբերությունները Իրանի և Իրաքի միջև, ինչպես նաև լարվածություն նկատվեց Արաբական աշխարհի և Իրանի փոխհարաբերություններում, որի արդյունքում էլ արաբական մի շարք երկրների պարբերականներում ի հայտ եկան Պարսից ծոցը Արաբական ծոցի վերանվանելու տեսակետներ²¹:

1971թ. սկզբից Բաղդադը ջանք ու եռանդ չէր խնայում կանխելու Խեիլուսնի ազդեցության տարածումը Պարսից ծոցում: Լարվածությունն ավելի խորացավ, երբ Իրաքի կառավարության 8 նախարարներից բաղկացած խումբը այցելեց արաբական 13 երկրներ՝ նպատակ ունենալով ստեղծել հակաիրանական միասնական ճակատ²²:

Սակայն Իրաքի իրականացրած գործողությունները ստվեր չգցեցին Իրանի հզորության վրա, որի ապացույցը կարելի է համարել Դոֆարում առաջացած խնդիրների պատճառով Օմանի սուլթան Ղաբուս բեն Սալիլի՝ Իրանին տված նախապատվությունը: Ղաբուս բեն Սալիլը պաշտոնական խնդրանքով դիմեց Մոհամմեդ Ռեզա շահին, այն է՝ օգնել երկրի հարավում՝ Դոֆար նահանգում առաջացած հեղափոխական շարժումները ճնշելու համար: Շահը, բնականաբար, չմերժեց խնդրանքը, քանի որ գտնում էր, «թե այն սպառնում է Պարսից ծոցի ավազանի խաղաղությանը»²³: 1973թ. դեկտեմբերի 23-ին իրանական 3 հազարանոց բանակը ներխուժեց Դոֆար: Արաբական աշխարհը սա ևս միանշանակ չորհուրդեց: Սառույան Արաբիան, լինելով ԱՄՆ-ի դաշնակիցը, հարցին առավել զուսպ մոտեցում ցուցաբերեց, որի պատճառը մեր կարծիքով այն փաստն է, որ դեռևս «1953թ. ամերիկացիները կոնցեսիա էին ստացել Դոֆարում նավթային հետազոտություններ կատարելու համար»²⁴: Եվ փաստորեն, բռնկված հեղափոխությունը հարվածում էր նաև ամերիկյան շահերին: Շահը մատնանշում էր, որ Դոֆարում առաջացած շարժման հովանավորները կոմունիստական կողմնորոշում ունեցող Հալալային ենճին և Չինաստանի կառավարություններ են²⁵:

Շահը Քեյհան ինքերնեշը բերքին տված հարցազրույցում նշում էր, որ «Իրանը թույլ չի տա արաբական որևէ երկրում արմատական ուժի իշխանության գլուխ գալը»: Հիշյալ հարցազրույցում շահն անդրադարձել է նաև Իրաքի և Քուվեյթի հարցին՝ «եթե Իրաքը որոշի գրավել Քուվեյթը, և վերջինս էլ մեզ դիմի օգնության խնդրանքով, մենք անպայման կաջակցենք Քուվեյթին: Իհարկե, շատ բան կախված կլինի նաև Սառույան Արաբիայից և Հորդանանից»²⁶:

Սակայն 1973թ. հոկտեմբերի 6-ին բռնկված 4-րդ արաբա-իսրայելական պատերազմը ստիպեց տարածաշրջանի երկրներին նորմալացնել հարաբերությունները բոլոր մահմեդական երկրների միջև: Իրանը չէր

կայալով բացահայտ հակաարաքական դիրքորոշում ընդունել և դրա համար հասկացրեց. որ այս պատերազմում արաքական երկրները կայող են համոզված լինել Իրանի չեզոքության պահպանման վրա²⁷: Այս հայտարարությունը լիովին բավարարեց Իրաքին. քանզի վերջինս կայող էր Իրանի սահմանի մոտ տեղակայած զորքերը տեղափոխել պատերազմական օջախի մոտ:

Արաքական աշխարհը կոչ էր անում Իրանին մավթ չմատակարարել Իսրայելին: Իրաքի ներկայացուցիչները իրանական կողմի հետ հանդիպելիս բազմիցս բարձրացրել են պաղեստինյան խնդիրը և ջանում էին Թեհրանին ևս ներքաշել հակասխմոխստական ճակատի մեջ: Սակայն շահական կառավարությունը հակված չէր բարելավել հարաբերությունները Բաղդադի հետ՝ վտանգելով Իսրայելի հետ ունեցած իր կապերը²⁸: Ընդհանրապես 70-ական թվականներին Իրանի հարաբերությունները սերտացան հատկապես ԱՄՆ-ի քաղաքականությանը ձեռնադրող հունով ընթացող երկրների՝ Եգիպտոսի, Սաուդյան Արաբիայի, Հնդկաստանի և Իսրայելի հետ²⁹:

Արաքա-իսրայելական պատերազմի բռնկումից ի վեր և՛ Իրանը, և՛ Իրաքը քննադատում էին Իսրայելի գործողությունները, պահանջում էին հետ վերադարձնել 1967թ. գրաված տարածքները և Պաղեստինի ժողովրդին տալ ինքնավարության իրավունք: Սակայն ի տարբերություն Իրաքի, որն ընդգրկվել էր հակասխմոխստական ճակատի մեջ, Իրանը շարունակում էր Իսրայելի հետ իր լայնամասշտաբ ուսգմա-քաղաքական և տնտեսական կապերը³⁰:

Հարկ է նշել, որ այդ մույն ժամանակ նկատվում էր Սաուդյան Արաբիայի և ԱՄՆ-ի փոխհարաբերությունների սառեցում, քանի որ 1973թ. բռնկված 4-րդ արաքա-իսրայելական պատերազմի ժամանակ սաուդյան կառավարությունը առավել ակտիվ ներքաշվել էին խնդրի լուծման գործընթացին՝ ի պաշտպանություն արաքական կողմի, դրանով իսկ շահելով նոր դիվիդենդներ Արաքական աշխարհում:

Որպեսզի էլ ավելի մեծացնի Իրանի ազդեցությունը տարածաշրջանում, շահը 70-ականների սկզբին հանդես եկավ մի շարք առաջարկություններով՝ այն է՝ ստեղծել Ասիական ընդհանուր շուկա, ստեղծել Պարսից ծոցի երկրների ռազմա-քաղաքական բլոկ, հրավիրել կոնֆերանս՝ տարածաշրջանի անվտանգությունը պահպանելու համար ուղիներ որոնելու նպատակով: Դրա համար 1974թ. Մոհամմադ Ռեզա շահ Փահլավին մեծ շրջագայություն կատարեց հարավսլաին Ասիայի երկրներով՝ կնքելով մի շարք առևտրական համաձայնագրեր և տնտեսական համագործկցության պայմանագրեր: Այդ այցի նպատակն էր ստեղծել «Ասիական ընդհանուր շուկա»՝ Եվրոպական ընդհանուր շուկայի օրինակով³¹. բնականաբար, Իրանի հովանու ներքո, որը կարող էր հանդես գալ որպես հակակշիռ Եվրոպական շուկային:

1975թ., Սստոդյան Արաբխայի արքայազն Ֆահրը այցելեց Իրան: Օգտվելով այդ պատեհի առիթից շահն առաջարկեց կոնֆերանս հրավիրել Պարսից ծոցի երկրների ղեկավարներին մակարդակով՝ «տարածաշրջանի անվտանգության պահպանման ընդհանուր ուղի գտնելու» նպատակով³²: Սակայն այդ առաջարկը չընդունվեց, քանի որ հենց այդ տարածաշրջանի երկրների միջև առկա էին չլուծված բազմաթիվ խնդիրներ: Ինչպես տեսնում ենք Իրանի նախաձեռնությունները հիմնականում չիրականացան, քանի որ Արաբական աշխարհը չէր ցանկանում տարածաշրջանում առաջատարի դերում տեսնել Թեհրանին:

1970-ական թվականներին Իրանը՝ տարածաշրջանում իրական ազդեցություն ձեռք բերելու համար, սահմանափակ ուշադրություն դարձրեց գլխատեխնիկական նվաճումների և հատկապես ատոմային էներգետիկայի զարգացման վրա: Եվ ահա 1974թ., Մոհամմեդ Աբգայի նախաձեռնությամբ Իրանում ստեղծվեց Ատոմային էներգետիկայի կազմակերպություն: Հայտարարվեց, որ նպատակ ունեն ստեղծել մի շարք ատոմային կայաններ³³:

Շահի այս նախաձեռնությունը մեծ աջակցություն գտավ հատկապես Արևմուտքի կողմից: Նախատեսվում էր մինչև 2000թ. կառուցել 20 ԱԷԿ 23 հազար մեգավատ ընդհանուր հզորությամբ, որի շնորհիվ Իրանը կդառնար Մերձավոր և Միջին Արևելքում ատոմային էլեկտրակայանների ցանց ունեցող հզոր տերություններից մեկը: Ատոմակայանների կառուցման առաջին փուլը իրականացրեց ԳՖՀ-ն՝ Բուշեից: Այդ գործին մեծապես աջակցում էր նաև Ֆրանսիան, ծրագրելով ատոմակայանների կառուցում Աբադանում և Ահվազում: 1978թ. իրանա-ամերիկյան պայմանագրի համաձայն, Միացյալ Նահանգները նախատեսում էր կառուցել 8 ԱԷԿ: Սակայն 1979թ. Իրանի Իսլամական հեղեփոխությունից հետո, նրա թեկույառիկ կառավարությունը հրաժարվեց միջուկային ծրագրերի իրականացումից, և Ատոմային էներգետիկայի կազմակերպությունը չեղյալ հայտարարեց նախկինում կնքած պայմանագրերը ԳՖՀ-ի, Ֆրանսիայի և ԱՄՆ-ի հետ: Քիչ ժամանակ անց, ԻԻՀ-ն եկավ այն եզրակացության, որ անհրաժեշտ է ավարտին հասցնել Բուշեիցում ԱԷԿ-ի կառուցման աշխատանքները: Արդյունքում՝ շարունակվեց ծրագրավորված երկու ԱԷԿ-ների կառուցումը, որոնք առավել հայտնի էին որպես Իրան 1 և Իրան 2 ծրագրեր: Մյնչև Իսլամական հեղափոխությունը դրանցից առաջինը կառուցվել էր 95%-ով, երկրորդը 75%-ով³⁴:

Այսպիսով, Միացյալ Նահանգները գործում աջակցությամբ, ինչպես նաև 1973թ. Իրանի նավթի de facto ազգայնացման շնորհիվ առաջացած ֆինանսական զգալի կուտակումների միջոցով, Իրանն արագ տեմպերով համարյա բացակա ժամանակակից զենքով և զինամթերքով, որն էլ հնարավորություն տվեց նրան դառնալ տարածաշրջանում ռազմական ազդեցիկ ուժ և քաղաքական կարևոր գործոն: Ինչպես տեսանք վերջի շա-

բաղրվածից, Իրանը հարմար առիթը բաց չէր բողոմում տալածաշրջանում առաջացած խնդիրների կարգավորմանը մասնակից դառնալու համար. ակնկալելով էլ ավելի մեծացնել իր ազդեցությունը: Իրանի հզորացման նախադրյալներից մեկն էլ այն էր, որ մեծ ուշադրություն դարձվեց գիտատեխնիկական ոլորտի զարգացման վրա. նրի հոսմալ չէր խնայվում ոչ մի միջոց:

Վերլն նշվածի շնորհիվ էր. որ մինչև Իսլամական հեղափոխությանը, մի շարք ամերիկյան քաղաքագետները Իրանը դիտում էին որպես ՆԱՏՕ-ի հարավային թևի բնական շարունակություն:

GOHAR ISKANDARYAN

IRAN AS INFLUENTIAL FACTOR OF THE PERSIAN GULF (1960-1970s)

The Shah of Iran placed a very high priority to building up the Iranian armed forces and improving Iran's defensive capabilities. He also sought to expand Iran's role in regional and world affairs, involving Iran in various regional conflicts (for example Dhofar, or islands of Persian Gulf-Abu Musa, the Great and Small Tunbs) and establishing visible presence for Iran in World forums such as the international oil market.

However, Iran's growing oil revenue and military power, the emergence of detente between the superpowers, and departure of British forces from the Persian Gulf in the early 1970s, enabled Iran to play a much more active role in regional affairs at that period.

ԾԱՆՈԹԱԳՐՈՒԹՅՈՒՆ

1. США и развивающиеся страны в 70-е годы, М. 1981, с. 202
2. Кокошина В.А., "Некоторые проблемы американо-иранских отношений в 60-70гг.", Развивающиеся страны. Политика и идеология, Москва, 1985, с. 138.
3. Pahlavi Mohammad Reza, The Shah of Iran, Answer to History, New York, 1980, p. 141.
4. Драмбянц Г.Г., Персидский залив без романтики, М., 1968, с. 38.
5. Валькова Л.В., Саудовская Аравия в международных отношениях, М.1979, с. 190.
6. Алибейли Г.Д., Иран и сопредельные страны Востока 1946-1978, Москва, 1989, с. 49.
7. Алибейли Г.Д., Иран и сопредельные страны Востока, с. 47.
8. Հովհաննիսյան Ն., Իրանը Մերձավորարևելյան տարածաշրջանի համակարգում (1979-1992թթ.) Իրան Նամե, Երևան, 1993, N 2, էջ 3:
9. Эттлаат 1978.10.01, 1978.13.11.
10. Ньюсуик, Кейхан интернационал 16.05.73.

11. Cottrell Alvin J., A.General Survey, The Persian Gulf States, Baltimore & London, 1980, p. 159.
12. Ramazani R.K., Iran's Revolution. The Search for Consensus, Washington. 1990, p. 49.
13. www.arouchepum.com/ other/2003/3039 iran-nuc.- Iran's Nuclear Energy: A Cheney Casus Belli?
14. Этталаат 25.05.73.
15. Военная экономика стран Востока, научный сборник N 6, для служебного пользования, 000079, М.1986, с. 11-12.
16. Этталаат 25.05.73
17. Երբ 1970թ. նավթից ստացած Իրանի եկամուտը կազմում էր 791 մլն դոլար, ապա 1973թ. այն հասավ 2,6 մլրդ դոլարի, 1974-ին 4,6 մլրդ, իսկ 1975թ. այն աճեց մինչև 17,8 մլրդ դոլարի: The Iranian Journal of International Affairs, vol V, N2, Tchrان 1993, p. 461. Նավթից ստացվող եկամուտների մեծացումը առաջին հերթին կապված էր նավթի գնի բարձրացման հետ: 1973թ. Սաուդյան Արաբիան առաջարկեց նավթի գինը բարձրացնել, մեկ բարել նավթի համար առաջարկելով 7,5 դոլար, մինչդեռ Իրանը մեկ բարել նավթի համար պահանջում էր 14 դոլար: Ի վերջո եկան համաձայնության, որի համաձայն մեկ բարել նավթը արժեցավ 11,65դոլար: Կառավարության մասնաբաժինը ևս մեծացավ 7 դոլար նախկին 3,5-ի փոխարեն: Примаков А.Е., Персидский залив: Нефть и монополии, Москва 1983, с. 47. Андреасян Р.Н., Казюков А.Д., ОПЕК в мире нефти, М.1978, с. 99-121.
18. Алибейли Г.Д., Иран и сопредельные страны Востока, с. 83.
19. Алиев Ариф, Иран vs Ирак: история и современность, М.2002, с. 629-630.
20. Հորմուզի նեղուցն ունի ռազմավարական նշանակություն ոչ միայն Ծոցի երկրների հարաբերություններում, այլև համաշխարհային տնտեսության համար: Հորմուզի նեղուցով յուրաքանչյուր 10 րոպեն մեկ անցնում է մեկ տանկեր, որը կազմում է նավթի տարանցիկ համաշխարհային տեղափոխման 62%-ը: Հորմուզի նեղուցը Պարսից ծոցից դուրս գալու միակ ուղին է բոլոր սահմանակից երկրների՝ Իրանի, Իրաքի, Սաուդյան Արաբիայի, Կատարի, Բահրեյնի, Օմանի, Արաբական Միացյալ Էմիրություններ համար: Алиев Ариф, Иран vs Ирак, с. 626. Եվ փաստորեն 1971թ. այս ամենը հայտնվեց Իրանի վերահսկողության տակ:
21. Валькова Л.В., Саудовская Аравия: нефть, ислам, политика, М. 1987, с. 163.
22. Алиев Ариф, Иран vs Ирак, с 582.
23. Кейхан интернационал 16.05.73.
24. Мелихов И.А., Оман между прошлым и настоящим, с.13, 54-55.
25. Pahlavi Mohammad Reza, Answer to History, p. 134.
26. Кейхан интернационал 16.05.73.
27. Алиев Ариф, Иран vs Ирак, с. 583.
28. Алиев Ариф, Иран vs Ирак, с. 578.
29. Հովհաննիսյան Ն., Իրան. Այաթոլլահ Խոմեյնիի դարաշրջանը, Երևան, 20004, էջ 48:
30. Ариф Алиев, Иран vs Ирак, с. 586.

31. Кокошина В.А., "Некоторые проблемы американо-иранских отношений в 60-70гг.", Развивающиеся страны. Политика и идеология, Москва, 1985, с. 143.
32. Алибейли Г.Д., Иран и сопредельные страны Востока, с. 54, Валькова Л.В., Саудовская Аравия: нефть, ислам, политика, с. 165.
33. Арабаджян А.З., Исламская республика Иран: Экономический потенциал, М. 2002, с. 139.
34. Военная экономика стран Востока, N 1, М.1981, с. 100-103.